

泰雲堂集

泰靈堂詩集卷十

金鎖 孫爾準 平叔

蕃宣集

送史荔園

譜

同年觀察孟紹台

目送登仙在此行
臨流誰不羨班生
縱教剪燭談頻數
終悔迴槎別太輕
蘭葉渚頭津鼓報
桃花洞口繡衣明
惟餘一事君猶欠
荔子紅邊是去程

題吳荷屋

榮光

方伯鈞清消夏圖

先生昔時荷聲屋
散髮扁舟弄秋綠
榻來復與竹結隣
清風滿逕蒼雲皴
一夜春雷擡龍起
脫蛭便上青霄裏
平生愛竹得竹真
直節虛心亦其比
粉壁蕭蕭十五竿
蕭郎西省初改官
芻冠戢戢森勁挺
封事幾向甘蕉彈
前年剖符更分節
渭水鐔津墮

片席別來不見海南春
抽梢定過垞東宅
相思何可一日無試
摹舊隱成新圖想見高眠北窗下
清風吹入羲皇初鳳枝幾換
鸞翎小風貌頻驚十年老贈答相看形影神共證前盟歲寒保
齋顏近復題可庵湖州墨派風烟含酒邊鴉叉偶展示令我夕
夢尋江南我生亦抱子猷癖惆悵敲門對霜質湖陰拋却舊漁
竿舉手天涯障西日

江南春和倪高士韻爲吳伯人題畫

水香吹空蒲茁笋燕子低飛綠陰靜銀泥衫子怯朝寒獨立花
風吹鬢影翠被薰銷象牀冷鳴玉伊啞轉金井浪傳青鳥銜紅
巾有人去蹋東華塵

鶯聲遲鵲語急落紅如雨流光濕翠袖挽春追不及縣縣千里
烟蕪碧憐我頻年背鄉邑望鄉愛向樓頭立東西迴轉漂浮萍

問君刺足何所營

海棠聘梅芥嫁筍兩美同時育孤靜日長午夢初喚迴飛過楊
花淡無影響麝聲銷畫廊冷桃花亂落胭脂井至今遊女紅領
巾山頭日日吹香塵

宮聲遲羽聲急綠窗指涇琴絃濕棟花吹寒風信及遙天漸展
吳綾碧人生有情易於呂鷓鴣雙眠鷺孤立但能不食楚江萍
浮生何事多屏營

題唐陶山

仲冕

廉訪松因圖

鼠穴乘車瞰壘杵非因夢想何由成前身合是赤松子餐苓茹
珀潛通靈天白石畔第二樹偃蓋獨記蒼龍精盤盤拔起千萬
蠶其間縹緲開金庭排空似躡鹿盧躡挹袂正值洪厓生忽聞
清嘯響鸞鳳指點似說吾家亭

陶山言夢中謂是孫氏園亭

成公興館儻有

例便欲去主夫容城白髮黃門

潘榕臯比部

舊相識惜哉問姓不問

名得毋退之自倔强航不逐神官行使君一別逾十載竭來
海畔相逢迎祖洲未許驄馬踢郭解自爲溫犀清人間勛業未
可棄穀城正恐寒前盟華胥假道盍讓我煩公爲寫新宮銘

題荷屋松盤攬勝圖

日觀巖前路盤雲我舊經平看萬松色迴抱一峯青風雨龍吟
合仙真鶴馭停金函渺何處共說禮云亭

君抱九仙骨言登第一峯秋光開列障海色逼孤筇雨駐秦皇
輦雲升漢帝封穹碑猶待補銘字屬詞宗

霽

乍霽微涼入絺衣向晚宜行雲遲憶雨新月澹窺池墮果看童
拾殘尊勸客持尤憐清絕處蟲語喚裁詩

荷屋夢陶山贈詩覺而記其首句曰萬花盈手萬山開陶
山足成贈之和其韻贈陶山

夢裏江花筆上開惠風甘露手親栽江鄉舊種棠陰在海國新
嘗荔子來牘判郇公雲五朶詩裁希範錦千堆訟庭響答吟筒
捷始信仙才是吏才

和陶山原韻賦贈荷屋卽用其夢中語爲首句

萬花盈手萬山開饋實高秋此日栽歲失羽鳩商力困春墮驄
馬使君來竿鞭佇見錢流地煮爍先令玉作堆公暇猶聞親翰
墨不教劉晏擅奇才

上顏岱雲

檢中丞

荀令華年督八州潞公黃髮正宣猷地崇清德孚羣望才大虛
懷納衆流英墨頻持天上節波濤穩泛日旁舟廿年御李心儀

切此日欣逢夙願酬

艱鉅閭閻夙共推特煩卧護令君來薜蘿春滿張嬰壘瘴癘晴
消任放臺按部隨車梅雨足課農盈隴稻香開陳根洗出前秋
綠知是金甌變理才

一墜南州歲七更指撝初喜奉員程語民疾苦關心聽見事艱
難破格行長府藏兵無改作太倉發粟有常平祇愁纔向春風
坐催客江頭鐵鹿聲擢奉命
擢饒撫

題三百三十有三士圖

朱竹君先生督學閩中博士弟子來謁者人以一石爲
贊先生於泉上壘爲小山築亭其中顏之曰三百三十
有三士亭汪雨元繪圖存之學廨以識故事

先生愛士如愛石拜謁真同米顛癖先生愛石如愛士品題似

到奇章宅三山使院西北隅隙地當年手親闢巋然一亭坐詠
詩下瞰蒙泉理通易諸峯左右如排衙玉筍班齊拱几席三節
地肺互鈎連爲霍爲宮爲蜀嶧一穴透入仇池天半龔爭摹華
峯格磷磷疑有穀城書落落如逢帝臺奕想見門前抱贄來大
小雅材數逾百小馮君代大馮君兄弟後先同列戟遂令海徼
扇

皇風盡變砥砢成拱璧五鹿充宗吐授餘一片韓陵語堪譯生
遲不識范希文尙作聚星堂裏客揭來正觸羊曇悲到此還思
謝公屐風輪小劫鴟已飛雲棟重新鳥斯草後來好事錢與汪
補石繪圖存勝蹟君不見奇礪石徙華林園獨向秋風卧苔碧
何如細數小亭前認取先生舊題額

題畫留別趙穀士

秋赭螺江兩岸楓蒲帆一幅挂西風知君對此應相憶一路行人在畫中

題陳秋坪畫留別陳恭甫

買得鄉山更贈君幾間茅屋任斜曛謝公不爲蒼生起因戀山頭一片雲

泰雲堂詩集卷十

泰雲堂詩集卷十一

皖公山色集

發福州

揮手謝三山去棹何夷猶浮屠不三宿矧我八載留父老舉別
觴遮道擁輿騶殷勤感爾意尸素增我羞此邦雖海隅繫昔號
魯鄒太息吾道南洲源遡楊游考亭大其傳見知逮陳劉伊誰
變風尙斯道如綴旒詎評起箕帚失德滋乾餱睚眦動成讐白
刃起相讐椎埋及胙篋夜壑無藏舟爲尋厲階始豈盡民之說
中牟感捕雉郭海禁佩牛從令如轉圜要在慎所投摘伏矜鉅
筭記籍等張罟繇來忠信薄吏道實已媮況乃雜多端不異冠
沐猴訴謀慘切膚百呼不一酬冤憤奚所泄相與尋戈矛殺人

無王名瓜蔓爭旁搜計窮付一炬累棟爲薪標司牧果何謂曷
不念求芻蕘與和鞅磨此閣道鞅末流禍益烈隱抱蒼生憂
爲治審所尙此意速置郵置臣有封事黻眡黜其尤頗聞鄧傳
安李慎煥杜紹祁政與蕭薛儔今茲幸時若歲事書有秋卽看
近郊垌禾田綠油油孝弟本力田努力事耕疇秀良厥惟士薪
傳紹前脩我將謁

承明獻此于燕謳贈言志臨歧聊當木鐸道

建江

建江雖名江其實乃溪澗礪石墜山麓奔流出其閒駛雨匯衆
壑雪浪舞鵬鷗舟石相錯磨摧敗見已慣紙船鐵梢公謔過此
安敢謾下流勢益捷其湏不盈盼茲來秋水縮插腳未沒軒篙
櫓無所施介石如卧轍是非界有力陸行豈能辦招招走猥獠

競用一繩綰詔謹齊衆力聲酸雜驚雁犖確進未咫尺裂縫先
綻前峯隱西日束手委馘亂仰視山叢叢無計防虎虓地荒少
居人兼恐暴客覲警柝坐宵深安免僕隸訕垂堂洵足戒魚貫
走商宦來者猶堪追事往不可諫安得巨靈力疊嶂一朝鏹平
波綠如油舟行永無患

吳荷屋以錢叔寶畫卷贈行韓樹屏唐陶山皆有和章依
韻奉酬

離心一夕滿榕城愁聽江頭鐵鹿聲宦海本來無任著他鄉預
想得逢迎西湖訪古頻攜酒南陌班春共課畊正擬題襟追漢
上襪裾無那重行行

妙繪欣看割贈時句中山水興方滋丹青神化君何忝邱壑嶽
崎我自知妙手賡吟聲善繼同心惆悵路偏歧相思正似龍標

月夜清光到海湄

別家示亦三

歧亭挂席趁斜曛
惠麓流泉一道分
出世自知爲小草
還山未果是癡雲
茱萸漸近登高節
枌櫨真慚誓墓文
明日相思京口樹
雁聲江上怯初聞

發淮安

積雨經旬向曉收
西風獵獵卷檣旂
鴻來江上人初去
葉落淮南歲又秋
國計舳舻方轉漕
地形滄海欲橫流
津通南北衿喉最
擁節何人築上游

順河集隄上作

十日清江聽雨聲
泥深改轍上隄行
槿籬茆屋荒秋色
疎樹明霞盡晚晴
白髮那禁催遠道
青山何處是歸程
祇愁銷盡輪蹄

鐵終負平生攬轡情

易水

易水訪遺館終古風蕭蕭欲呼荆卿語魂斷不可招當年此地
征車發悲歌上指衝冠髮可憐壯士空摧殘田光已死於期沒
生却計本廷事與柯邱殊却思句踐語劍術無乃疎要知祖龍
有天祿沙邱未到國未覆無成豈是荆卿獨君不見子房椎漸
離筑

徐州道中

子月南徐路寒威避午熯松輕粘處濕水薄近邊消郵飯煇常
早山程問轉遙黃樓渺何所隔岸浪聲驕

對雪懷書農

窓生虛白啓關遲慘瓦無聲悄未知酒醖凌晨如有約梅花昨

夜正相思潤生隴畝翻犁後清絕溪山放棹時忽憶聚星堂裏
客與誰白戰鬪新詩

梅花

曉起衝寒覺有情野人籬落已春生粘苔最愛孤柯老照礪剛
逢半樹橫肯爲花繁教格損轉因雪壓得香清孤高心事憑誰
說分付樓頭玉笛聲

題陶雪汀

前輩皇華集

踪跡平生遍九州賸憐未上錦江舟題橋媿我無才思擁傳輪
君紀壯游濫瀕浪花千尺雪峨眉山月一輪秋青蓮玉局搜難
盡併作清光筆底收

論詩誰是出羣雄當代推袁屈指同岳色河聲元制誥金鳴銀
涌李崆峒烟花正好少城日香草仍餘大國風想見碧雞坊底

路掀髯豪咏對郇筒

新正三日雪後偕秦若木

海樸

亦三阮俞入署後小園

園荒饒野姿雪後益蕭槭飯罷招賓僚聊當問阡陌履綦埋前
塵何從覘行迹委深畝花當積重偃藤格菜畦窈窕殘青葑池湛
涓碧虛堂夾兩窗蕭然坐無席寒嚴直闌簾灑急斜入隙渾忘
歲華新不省都使宅悅疑泊孤舟葦村澹將夕歸來思小酌軟
脚試煖客酒清正堪沾蔬凍猶可摘微酣吐新詩清寒出肝膈

題陶雲汀方伯漕河禱冰圖

狐風過處頗黎凝前船後船爭打水水聲沖沖椎不破黃頭十
日湖千坐督漕使者天上來精誠一禱蛟宮開靈風颯然旂脚
轉青雲神鳥香未灰銜瓦蒲帆占利涉明日依然冰復合可知
正直能感通真見神功昭響答歸來封事陳

九重電光五采天開容赤棒
廉車問風俗碧旂分陝甦疲癯
瘵滿野苦河伯併泗吞淮成大澤
知君胸有河渠書要看手定
平成策玉堂十載空相思
竭來差喜相追隨
試題風雪松年畫
劉松年有風雪通糧圖見暇書亭集待詠澶淵河復詩

題許廉舫感六圖

解組香山入社時
曾從蓮社識須眉
何期十載披遺像
重認當年海鶴姿
真正面目

楓葉蘆花暮渚前
一燈閑對話纏綿
夜深不聽琵琶語
莫認潺

陽刺史船

雲帆夜話

夾道春風笑語聲
相逢爭說長官清
莫嫌騎從山城少
自有村氓管送迎
輿歌洋溢

紫泝瀾迴岸欲移天
風蕭颯響枯枝
不須更鼓成連曲
猿鳥哀

鳴在此時

潮風聲

泉魚雪涕浩難收父老情深挽不留玉帶江邊萬行淚平添波

浪送歸舟

風木增悲

一片輕帆遡急流難迴迤石鬱林舟至今人過沈香浦尙有遺

民說故侯

韓江挂帆

題曹夔音摹趙松雪畫樂志論圖

陰陰桑柘圍一村菜花爛漫明籬根籬邊旭日散雞豚溪流碧玉沙氣暄其間風氣如桃源房櫳窈窕開層軒比隣過從若弟兄朱陳男女相婚媾男好書詩情所敦女事蠶織親繰盆樹頭曉聞布穀喧叱犢一犁春雨翻歸趁樵風浮釣舫纖鱗挂餌酒盈罇人間此景知何垠云是無聲樂志論粉本流傳趙王孫曹君摹寫亦虎賁古來賢達慚素飧有突不黔席不溫先憂後樂

志則存胡爲寄愁上紫闥又欲地下埋憂煩當年發憤陳昌言
參軍上謁丞相尊快意論說空吐吞何曾下澤乘歸轅人生奚
似謁處禪安得脩然謝籠樊我後世網索絀跟違已交病情駿
奔芙蓉湖曲黃步墩杞菊雖荒餘敗垣青山鬱鬱波沄沄桑麻
鋪茭嘉蔭繁豈知此圖日在門翻因觀畫懷故園蕙帳月落勞
夢魂猿嘲鶴怨徒驚驚題詩太息手自捫

懷孟令陶竹侯

沔

重修唐元忠宣公祠索詩紀事

舊是提軍百戰場至今忠節尙名坊乞師莫援孤城陷湛族空
餘一水香祖述曾傳留赤允桓彝爭說祀丹陽七年想見登陴
苦潮咽山根落日黃

小孤門戶似當時憑吊猶令異代悲埋骨崇邱齊泰佔握拳遺
像凜須眉睢陽何似雙忠廟劉尹重修至德祠我欲增摹危太

櫟履聲如聽到堦墀

送劉孟塗茂才

開主講當塗書院

名字何慚柳仲塗向君便合謫仙呼
錦袍客去青山近白雪樓
高彩筆孤交誼一時傾沈范詩名少
日滿江湖笙歌馬帳生徒擁大雅風
輪待爾扶

閱伍雲汀前輩以詩贈行依韻奉答

速藻催成字濕鴉句諧鏡吹聽傳譁
封章臺閣劉中壘師事營門李左車
風勁弓聲穿柳葉林遙馬色雜桃花
卽看芳草連天碧已覺春隨別路遐

曉晴肄武用前韻

牙旗霽色閃金雅焚舍師行靜不譁
平邇柔茵堪跋馬過橋新水欲漸車
時清脫劍無橫草令肅威弧有插花
張弛繇來毋忘

戰靈臺節制極幽遐

道中春陰

凝望層陰莫復朝
濃春氣候轉蕭寥
雲停不爲鸞簫過
花豔空禁羯鼓消
黯黯山摹昏壁畫
沈沈人入夢天謠
征衫換後餘寒在
蹋遍長橋更短橋

盱眙

都梁南北阨雄鎮
傳自舊時平不設險
城櫓無遺構近治少居
人坡陀豁其右陽焰下
平原花光紛錯繡
夙聞第一山海嶽賞
斂瘼下有頗離泉
放翁所盥漱興發趁餘暉
到寺烏棲後捫薜
認殘碑秉苴闕巖竇
少焉東月升憑欄攬羣岫
滌澤渺無涯夜氣益迷蒙
古來百戰地盡爲湖所囿
緬懷楚漢間建號此稱首
戰爭逮六朝風塵困龍鬬
佛狸卅萬師解甲終北走
爲徵百雉

憑足勝萬夫守伊誰惑謾言一朝罷封侯往事逾百年陳跡安
可狃當師偏陽堅莫恃莒邦陋

燕湖僧寺偕侯貞友看牡丹

此會非前料招提共倚闌才奇真賞少花豔欲開難選勝驚春
晚偷閒惜暫歡明朝又歧路衰鬢互相看

道光壬午監臨江南秋試題試院壁兼簡王試穆鶴舫少

農彰阿徐惺菴編修士芬

鵠立門前萬白袍姓名唱入曉雲高青霄此路通仙籍紅燭連
宵豔綵毫設次特隆多士禮旁求應慰

一人勞迴思釋褐如前事十七年來媿濫叨

才藪由來數此邦戰酣萬蟻畫方長媿非昔日登龍客重到今

朝選佛場

余舉京兆鄉試未入南闈

桑梓匠成翹國秀斗牛星朗聚文昌邀

君更續霓裳詠故事煎茶有和章

至公堂柏衡鑑堂桂用壁間卞雅堂太守

絳韻

蒼柯鬱輪囷翠葉細磨錯初疑兩猛龍風雨奮鱗角本是巖穴
姿移根得所托直幹勝棟梁自反固不縮欲就明堂材那辭匠
人琢

分種自月窟吐花領秋光豈無蓉與菊少此萬斛香高從吳質
倚名借郊說揚清露莫狼藉攀援惜芬芳我歌招隱篇小山意
何長

穎上

穎亭風物起人思斜照垂鞭斥堠遲馬鬣草迷齊相冢龜趺石
泐晉賢碑川塗浩蕩長終古石隱蕭寥又一時明日經過天柱
下更從抱朴訪遺祠

潁州示劉海樹太守

珊

莽莽平疇徹四垠古來形勝此中原帶牛佩犢風猶在飯豆羹
藜怨久吞差喜強宗亡灌氏可無循吏賴馮根要知黠馬須銜
策寬猛從君仔細論

舊說頗離十頃鋪幽尋何處覘西湖蒲搖翠浪無涓滴葑合蒼
雲有積燕開鑿正須資鄧許風流好與繼歐蘇若教黃鵠言終
復坐遣秋光似畫圖

爲蔣小樹

志伊

題其祖心餘前輩攜二子遊廬山圖

斗南秀出九疊峯藏園一叟靈所鍾頭白歸來讀書處故人真
面欣相逢著脚初支草堂杖到耳已聽東林鐘珠璣滿懷惜不
得青玉峽飛雙白龍我生未識藏園叟忠雅堂詩都上口當年
曾放鄱陽船五老雲中枉招手窓裏何來一片雲忽從圖畫逢

匡君吟聲似戛漱玉響筆勢直自香爐分畫裏監與問誰舉蓮
社淵明有遺譜大兒孔文舉小兒楊德祖洵軾邁過成一家風
雅流傳自千古試論詩格真堂堂縱橫一代誰能富隨園甌北
雜譚語竹葉庵客走且僵豈如西江衍宗派一瓣自熱涪翁香
今歲曾過桃葉渡到公石仆蒼山路蘭陵茂苑亦荒涼那律飄
零舊書庫一卷丹青手澤存攜來正有清門孫紅雲尙憶炎州
宴白雪重逢古皖尊憐君飄轉如秋籜歸舟好叶桑東卜濕流
山帶日當門紅雪樓中抱圖宿

陳學博

祥熊

以其祖文莊公

詩帖

屬題卽用文莊原韻

田歌歸去換新腔老瓦盆應勝玉缸卽簡請誅長樂覽杖藜還
訪鹿門龐象賢詩禮留遺澤司直聲名冠舊邦片紙鐫瓊徵世
守米家船裏詎能雙

題攀轅圖爲朱恕齋士達明府賦

父老扶藜婦攜幼夾道擎盃遮馬首使君將去挽不來怕聽五
鼓統如叩憶昨使君初下車異事喧傳在人口削迹聞瘟使
逃渡河曉見於菟走火急不用蕭監符醇旨何如建康酒手摩
疾苦到瘡痍默化驚凌及箕帚滋培好種宮牆槐采擷重舉頻
池謁方期築館關翹材太息歧亭歌折柳我從藩伯悉君賢表
率方資活國手披圖此日識輿情借寇何堪閱時久還汝使君
莫怨嗟竹馬刻期迎衆母

道光壬午十二月二十四日立春得雪陶雲汀方伯用東
坡尖叉韻賦詩見示依韻奉和

今年梅早逗香纖度臘寒威未覺嚴吹律乍回金竹管漫空忽
撒水精鹽占豐氣免滋青蠅待伴光猶積畫簷輪與瑤華吟句

好春風先入兔毫尖

剡水何煩銜尾鴉
汙邪定見滿篝車
裝梅恰趁迎年節
潤麥能開稱意花
聽到郢歌難屬和
醉來司命是誰家
相期歲晚清無事
來對芭蕉展畫叉

時約讀畫

泰雲堂詩集卷十二

金鎖 孫爾準 平叔

迴搥集

舒州道中題汪艾塘前輩詞集卻寄並以志別

十載重逢鬢各斑蛾眉猶憶舊同班

時方延

院樂府家傳晏小山

以尊甫存南先生詞集見胎

一卷蘭荃皆有託中年絲

竹更相關愁歌潭水桃花句遠別無由得共攀

菜花和陸祁生

繼輅

褭腰棋罽任縱橫無數金鈿委地輕黃蜨飛來三月莫青山圍裏一村明桑麻好共資生計桃李何堪鬪豔情太息英雄成白首攜鋤歲歲見開榮

徐州

戲馬臺邊俛麗譙亂山含沓湧迴潮氣消龍虎升雲黯河徙鼃
鼃挾浪驕雉堞千家沈坎井虹隄一道巨烟霄分流要殺支祁
怒莫認熒湖是沃焦

滕縣

幾戶殘黎晝掩扉田荒道蕝井疆非草根枯斷麥無種春色欲
歸何處歸

廢寺

破寺無僧住山風自掩門樓危懸墮板草長沒積垣白晝神籠
暗黃昏鬼語鯨可知興廢感不獨給孤園

題驄馬圖

嘉慶十有八載奸民林清作亂

上還自

西陵次白澗聞變

命金吾師先還都戡定之師御驄馬自辰達午馳百四十里後

騎莫有屬者其後馬死師繪圖命爾準賦詩紀其事

執策休嗟世無馬所惜良材御者寡虞阪前頭試一鳴陟地房
星光照野青驄一匹信有神歎見地上行騏驎吾師得之濟時
了馬是天馬人天人紫蜺慧空長十丈夜半傳烽達

行帳辦賊誰提鐵騎行摧鋒特撤金吾仗奇材自昔觀臨變此
時驄馬來如電草頭一點絕塵馳後騎回頭看不見試數郵籤
百卅程漏刻已達長安城將軍共賊從天下鞭鐙俄傳奏凱聲
我聞青海流沙裏青驄種自波斯徙隋書吐谷渾有青海周圍
千餘里常得波斯草馬放
入海因生駒日行千里故特稱青海驄馬安西都護舊有之杜老題詩聲價起乃知
此馬毛色同赭白渠黃安足擬成功能與人一心伏櫪猶懷志

千里玉山之禾醴水泉功成惠養隨所便青絲絡首儘堪老風
鬚霧鬣飛上天奇勲勅畫麟閣上駿足物化華陽前要挽銀河
洗兵日不數太乙登歌年帷蓋猶存主恩厚特爲寫真傳不朽
憐才盡識張公心妙畫還逢曹霸手開縑卓立生長風九花虬
合從令公漫說驍騰託生死可知駕馭須英雄吾師愛馬如愛
士邀我題詩淚如洗臺上誰酬郭隗金烈士拘知亦如此

出都留別晴芬時方知貢舉

奄忽三年別邇迴萬里程連牀纔一夕橫策又孤征少伯浮鵷
水天隨射鴨城何時尋舊隱同作拂衣行

懋典君宜領巍科衆所欽扣簾春貢集團棘夜堂深席帽懷前
日水壺鑒此心獨憐相隔絕無計話離衿

德州與刺史馮旭林

春暉

同年小飲卽別

德水經過熟藍輿及曉瞰河流斜繞郭樹色遠浮村刺史東方
騎郵亭北海尊飴飴旋惜別懷抱未堪論

東平道中

寒食清明數日間醞寒殊未覺春還枯楊繫馬旗亭坐憑仗村
醅一解顏

解驂

解驂欣暫息襖被復何求僕僕頻年慣棲棲一夕謀燈花然客
夢鐸語碎鄉愁不待聞雞起星光照野稠

曉行

疏濕毳衫趁客程星光忽墮曉光生不知重疊山無數誤認橫
雲一堵平

晚宿陰平

暑影催行疾鈴聲怨路長荒村儲暝色高寺得斜陽漂梗知胡底勞薪黯自傷真成憂道長一倍惜流光

過無錫

故里翻從驛路經鄉音入耳喜初聽推篷却怪寒山色每到歸時分外青

忍草菴尋舊日讀書處

舊隱山深處重尋卅載遲苔荒棲鶴砦松老挂猿枝畫過孟中粥題殘壁上詩雛僧頭欲白曾見付衣時

陳香谷中丞胡書農學士招同瞿花農別駕許君修上舍雨中游西湖別後賦簡書農

屢從西冷過不放西冷棹豈遂乏勝情相偕少同調昨宵喜不寐折簡得佳召際曉檐聲喧清遠天所媚雨師詎能沮決去似

黃鵠招招瓜皮艇游泳隨所造西湖似西子濃淡並娟妙畫手
李將軍金碧爛相照新藥出巨然烟雲變幽峭汗漫湖流深欲
鼓水仙操茶香定薺滷酒醖深盃醕興適忘王賓詠嘲閒吟嘯
抽身羨君等歸隱雜屠釣學士焚銀魚南陔承色笑開門喧馬
槌送喜泥金報前書農哲副成進士一夕甫聞喜掉頭如不聞冷行避榮鬧媿
我猶官身王程迫長道晝鼓津頭鳴離思攪風簾題詩一寄君
息壤盟終約

建德

七里瀧纔過雙流水又分灘清深見石山淡遠疑雲姓氏猶存
郡萑苻舊駐軍古今樓隱地陳迹亦紛紛

卽陸

從宦少閑日閑轉在行路旣謝簿領牽頗適歌吟趣舟居便流

覽書史如逢故讀罷好山來賞心隨所遇興至具壺觴醉醒忘
朝莫何期灘漲縮牽挽不得渡改涂卽陸行嚴程急須赴尅日
約期會計里問亭戍轉旋一念間靜躁改其度緬惟古達人心
本無去住倉皇竟何益定力媿不固翹首望太虛微雲澹容與
我心與之同忙閑兩無處

江郎石

連宵雨決漏際曉山獻晴江郎吾有舊披霧來相迎差肩三片
石了了檣空青諺云此最吉攸在途咸亨我聞竊自哂俗見真
癡論退之無妄希衡岳難爲靈內斷吾已久安問箏與筵遐瞻
霄漢上離立何崢嶸白雲出其下纖絲不相縈示我立身義此
意良可銘石交儻許訂寄謝三弟兄

南岸

肩輿南岸路觸熱度重岡小住弄谿水微雲生午涼淪毆茗葉
綠縛架松毛香惆悵未能去其如山驛長

重至閩

洪塘浦接竹崎關舴艋輕舟屢往還一港甘棠懷舊事十圍官
柳感重攀民風鶴鄉犀渠古生計羹藜飯芋艱濱海曾傳鄒魯
俗挽回何術媿衰孱

爲陳恭甫題高宗呂見于圖

宗呂名穀

君不見求仙好客淮南王金牀玉几霑秋霜九仙藥之如脫屣
來騎赤鯉凌雲翔又不見無諸九日平臺上釣竿下擲滄波壯
神龍一去杳無蹤猶傳遺跡留青嶂我來訪古情如何冶南一
柱峰嵯峨飛鴈行高海氣滅魚鱗瓦積寒烟多馭風已陟鼇峰
頂更喜荷齋俯清景斧劈麻皴畫不如莫靄朝霞心自領正愛

看山若看畫忽驚見畫如見山見于一圖誰所作
攀仙筆力追荆關蒨葭短牆秋漠漠丹黃雜樹霜娟娟想見呼童掃山影畫稿正落衡門邊興到拈毫恣揮灑斟酌濃淡分清研玉堂仙客陳夫子愛山愛畫入骨髓名山近在卷簾前妙畫還藏伏梁裏晴窓暖翠方網緼山即畫即兩莫分安能茶熟香溫候布襪青鞋一訪君

爲陳恭甫題沈石田畫五真園亭圖

圖爲寧德陳字作字時清莆田林尙書俊爲作記所謂五真者山水有真樂詩書有真味吟詠有真趣游觀有真境生平慕真隱也圖爲吳筠清廉使樂光所藏陳恭甫太史以爲閩中掌故不當他屬以石田畫蕉卷易之屬余作詩

石田作圖如作記象外蕭寥得其意尚書作記如作圖歷歷亭
臺眼中真五真亭子誰所名傳是時清栖隱地溫廬涼蔭費經
營莫汙藥畦隨位次蓬萊咫尺在人間軒冕泥塗真脫屣頽垣
賸礎何處尋範水模山餘墨戲釣清至人今倪迂玉躡金題貯
清祕此邦舊物情所敦楚弓楚得言堪譬更循故事學東坡銅
劍仇池相餽遺憐君真作一豪爭媿我難爲兩邊騎巧偷豪敗
竟何爲過眼烟雲亦如寄佳話重添翰墨緣更與作詩傳好事
題黃癭瓢畫瓶花

臨汀峰尖如畫筆俗諺云占畫師出李友以後數官周刻畫頗
嫌非野逸癭瓢山人乃其徒一變師法殊形模曾類仙人羨門
子須鬢蕭颯如繩籠有時弄筆寫花蘂墨渴毫枯神理在鮮妍
不似黃筌圖潦草猶存白陽派此幀膽瓶花一枝試問花名誰

得知由來工意不工似靜對悟入東坡詩吾鄉畫品尊惲格國
色何曾謝芳澤笑汝粗頭亂服人終遜官妝壽陽額

爲朱芝圃都轉題瀛館集仙圖

英煦齋師乾隆癸丑入詞館仿西園雅集遺意爲圖徧
寫同歲館選諸君各肖其貌命爾準作記此嘉慶癸酉
歲事也道光癸未芝圃重摹此圖屬題距館選蓋三十
年矣

西園雅集圖龍眠名筆正藉名賢傳寂寥千載誰嗣響綵筆重
寫瀛洲仙選仙喜值右文日聯袂白日升青天人才數逾武德
歲躔紀閭合蘭亭年吾師好尙抗古昔寫真各肖人差肩就中
都轉拊石坐抱膝似吟梁甫篇重逢亦奮忝通籍修後輩禮投
名箋圖中強半接譙談一麾君去三山顛却從圖書識丰采獨

驚魁嶷精神全聚星堂前命作記媿無筆力追米顛豈知後來
此合併彼此兩扣螺江舫相逢翻似舊相識依然鬚鬢美且鬢
玉堂回首在天上各有舊夢尋花孰明時最君好宣力中外敷
厯才非偏賈琮車前更削牘劉晏馬上仍竿鞭時方兼權臬事丹青豈
獨夸藝苑勛業要看圖凌烟胡為題句忽惆悵思欲歸隱嗟無
田試論往事三十載圖中人物方聯翩內直綸扉外旄節文章
經濟排前賢君於其間洵傑出疏附未知誰後先我詩孱劣何
足道聊紀巔末陳因緣他年更續香山繪上邀

睿藻褒彭錢

是歲仲秋
宴十五老臣

慶歌圖繪

皇上幸萬壽山王潤堂錫
御製詩序事

題顧晴芬水竹柴門圖

人間何處無水竹翻向畫中思
僦屋舊廬拋却盡湖濱門外貧
管森似束燕山雪片一冬深
銅溝凍合風攪林此時訪戴逵

去一竿兩竿無處尋知君夙抱子猷癖腕底琅玕動千尺歸去
空懷獨樂園興來自寫郎官壁壁上蕭蕭玉幾叢柯山溪上清
陰同白雲迴望親舍遠青雪記映書燈紅思歸久未成歸計更
繪新圖寓其意作圖寫形記寫心我未見圖先見記六千里路
邀我題豈知我俗不可醫綠雲深鎖子規喚十年不到梁清谿
因之夢繞梁谿曲翠鸞照影春波綠但使扁舟放溜行人間何
處無水竹

爲朱芝圃海喬弟題鷺塘耦耕圖

鷺塘其先塋也

生洲舊說青島卜營兆今逢白鷺塘分馬鄭西齊擁節椎牛京
兆看還鄉簪山蘿水圖逾好弟餉兄耕願未忘回首西風一行
鴈又隨夕照過瀟湘

題先師大庾戴文端公松下納涼小照爲崑禾太守

嘉慶

賦

曾陪杖履日華東
邈像重瞻自阿戎
入畫雙松標直節
微吟朵殿和薰風
九原可作懷隨會
一鑑先亡惜鄭公
司馬當年留故事
欲摹萬本倩良工

爲崑禾題其尊甫石士太史畫竹

當年蘇晉學逃禪
清節還從贊譜傳
脫却錦綸消幾日
籜龍頭角已嶄然

說法曾參玉版師
抽鞭都發向陽枝
篋中留得凌霄節
奕葉清風似舊時

爲崑禾題其祖篋圃先生幼時圮橋納履圖小照

子房昔避難匿作圯上兒
一朝借前箸尊爲帝王師
生從赤松遊歿共黃石
祠平生出處意曠古無人知
千載有太僕異世同

心期袖中活國手不炫陰符奇問卿實冷官生未竟厥施堂堂
文端公肯構荷門基運籌策帷幄作亭號論思至今談相業救
時屬元之要知臺鼎器出自弓冶貽我遊文端門自恨生已遲
黃髮未及覲況乃垂髫時何期山頽日獲覩夫人姿緬惟學道
旨後先實同規乃知崔桃簡學王得毛皮傳家抱遺笏何似甘
棠枝辟疆不足慕贈子三槐詩

題朱芝圃海上受降圖

消息俄傳聽轉驚盈廷議築受降城漫言困獸猶思鬪已是窮
魚欲就烹次幕人多疑結贊單車誰肯造張嬰書生自有包身
膽鯨穴從容掉臂行

弄兵幾載沸潢池應悔回心面縛遲解結欣逢周代網相攜羅
拜狄君碑爭先積甲齊熊耳從此包戈用虎皮碧澣磨銅人把

未而今樂利問誰貽

飲薩芷庭

秉阿

將軍水閣

興追河朔一尊同
鈴閣窓虛面面通
燈外豆花清照雨
水邊薤葉細含風
投驍未減從軍樂
揮扇如逢畫渡雄
耳熱愛聽談往事
磨崖功績紀西戎

耳鳴

內省慚陰德疑來空
笈城作勞非鼓角
聽瑩失韶英潮響從何
入蟬嘶不斷聲無妨
任嘲罵君莫笑臺卿

李茂才

華清

以其祖蓼園刺史畫秋山行旅圖屬題刺史

卽無齋方伯之父也

青山鬱鬱雲溶溶
茆茨掩映霜林重
苔磴縈紆下復上
隱隱騾綱鈴鐸響
山迴水轉幾日程
石梁坦迤趨孤城
沿江秋色正蕭

洒葦葉荻花無限情山川信美知何處彷彿松陽門外路使君
點筆寫清暉樓頭目送孤飛鷺南山高高章水長圖中有樹皆
甘棠營邱劇續詎堪比李成有秋山行旅二圖藏宣和內府魏公遺笏同珍藏生
遲未接青籐杖濬冲郎舍逢清賞遺民爭拜冶南祠鑄金更肖
方平像無齋藩閩有惠政閩人爲立祠烏石山下

登烏石山

初陽在其東落景在其西登巔見百里秋豪攬無遺睥睨倚山
麓人煙聚埃壑平臯散村落青黃閒稻畦合沓峰四環蒼玉屏
風齊大瀛絡其外遠碧澄琉璃惜無一把茆當頭蔭秋曦舉頭
空八荒棲身悵無依靈龜伏巨石刊苔認前題惆悵古人遠歲
月如飈馳因之懷太傅流涕峴山碑

盧栢香明府以李鄴齋方伯楹帖草藝屬題

魯公論坐藁魏公楓落詩殘碑重金薤片語珍瓊枝況乃道義
交生死心不移方伯去已久手跡留赫蹏盧君緘示我草匱十
襲緹楹帖兩行字頌語中含規澹墨老瘠竹慘如見容儀心欽
盧君賢寶此如銘彝當時慕登龍握手聞誓詞反眼不相識下
石何人斯我昨訪宿草澆酒思賢碑迴車感腹痛謔語猶堪追
心傷念往事舍君更語誰我有一尺書引決時所貽揮淚不忍
看篋中藏弄之何年彙遺筆勒向懷德祠

歲莫寄亦三弟

臘鼓迎年候欲分草堂回首愧移文西隣歡樂輸東老辛菜杯
盤憶卯君有約對牀同聽雨相思倚杖獨看雲何堪短景將闌
裏空外驚寒叫鴈羣

題朱梅崖

仕秀

畫像

圖中有
梅鶴

梅屋神禪工屬文幽躡月窟穿天根渤澥迴瀾山出雲無窮變
化生清新雷琅下鑿龍門垠貴從慘淡含古淳蛟龍疑角揚鬚
鱗曳以獨繭詹何綸劇肝鉢腎追韓門趨趨皇甫駕李孫其人
已古文長存我昔獨遊訪熙春山空翠窈不見君鵝谿一幅誰
寫真嶽嶽氣象清而溫大韶都紵華陽巾曷不劍珮圖麒麟藜
杖天祿譬皇墳區畫南董書體分栖栖現此儒官身簷花夜雨
燈翳農屋低打頭氣不伸堦草書帶空續紛漫夸青鏤管有神
覩抉元窳披隱淪如蟲嗜苦蚨嗜辛苔枝挂月鶴在陰畫師寫
此非無因清文一卷冰雪痕胎仙獨立超其羣蕭寥此意誰可
論作詩一笑君應聞

題謝退谷

金巖

廣文畫像

陽城領生徒歸省一夕偕安定在蘇湖教授設兩齋誰云校官

卑人師實模楷茲邦考亭舊道岸知有涯何年變風會掃地及
槐街投閑不自重老物煩推排遂令華陽市五里成昏霾夫君
洵挺立骨豎金剛柴冷官坐無氈敗壁篆涎蝸春風拂蒼蘚蝴
蝶飛上階壘鹽甘送老食菜無珍鮭我來不相值蹤跡參商乖
猶欣睹遺像百體無媚骸簡珠墮沙石處俗安能諧一卷治法
論去疾搜根荑注論補齊魯精粹無可差俎豆賢人間鄭君實
其儕謂廣文兼才清風起頑懦庶慰平生懷

昭文朱氏女幼字秦汝楫未嫁而秦死女聞爲絕命詞雉
經遺囑以尸還秦嘉其志爲詩志之

林蘭近雪開質潔香逾酷本性賦畀殊豈顧驚衆目聞名當始
笄女身已有屬衆人國士衡報施兩袒何殊效齊俗琴川有女
纔勝簪弱齡能誦女史箴香纓甫結所天隕並命甘作青陵禽

宛轉南枝夜深緊粉書屬付戶還陰監儒目短眩奇節倚撫爭
持禮經闕雲書龍篆石作坊定論煌煌昭尺一噫吁噉春蠶未
死心已灰撫孤立後徒徘徊完身矢志在一決客婦羞說懷清
臺

梁蒞林

章鉅

觀察陳泉吳門菱舍滄浪亭吳中人士繪圖

紀事蒞林寄書屬題時高堰決口蒞林還淮董理其役故

未二章及之

頻水東頭得地偏雜花修竹故依然紅蕖綠浪一千步明月清
風四萬錢觴詠尙傳長史舊風流誰繼至和年莫言勝跡因名
跡直恐前賢畏後賢

東方千騎帕刀迎遙指花間識繡旌吏散江湖方在眼坐深魚
鳥共忘情西山爽氣朝撐笏南浦漁歌晚濯纓從此甘棠無剪

伐清陰人記召公行

迴車初返大淮濱消息驚傳蟻穴新羽檄三千催判牘芻蕘百萬待徵薪武鄉攜扇真名士文度圍棋信可人大事由來須整暇看君隻手障波臣

吳市簫聲海上琴相思各有故園心三春積雨桃柳暗一夕驚濤瓠子深砥柱中流期作鎮雪霜滿鏡欲抽簪重遊定識非生客畫裏偕君仔細尋

釀雪

釀雪同雲凝壯不流陰簷短晷去方遒耐寒梅意矜高格覓宿禽聲訴莫愁白髮人間無大藥綠萼江上有扁舟海天望裏情何極鼓枻終期汗漫遊

試茶

小摘靈腴迥露鮮山僧寄到手親煎銅瓶響沸松風裏玉鏤芽
分穀雨前味滑全消玉川睡香清欲破趙州禪啜餘棖觸鄉心
動記汲漪瀾第二泉

罌粟花

洛花不宜閨窖火強催迫扶頭夢未醒半開已狼籍不如種罌
粟爛漫動千百中秋先下子閑壠不留隙清明微雨過碧苔抽
幾尺枝重垂翠罌顚豎苦無力春風肯擡舉幡然忽開拆迎晨
若相競脫帽爭自擲駢頭宛有約一呪齊頌刻盤盂外周遭羅
綺中襞績小樣潛谿緋化工勞刻畫倚風強天斜逢時逞顏色
唐突西家施捧心欲爭席易開還易落不自慚弱植長腰一囊
米未可供烝淅致用良已虛稱名復何益邀賞祇在多矜寵不
取格何年老梅根僵卧倚西壁先春纔數花獨立自傾國

感事

湖椿報道過潮痕一夕驚濤下海門行水已聞來薛冑填隄不見有王尊醞梁瓠子流難塞送棹桃花浪易渾東郡陸沈夷甫責不加盤劍是

君恩

游張氏園

不爲幽尋出郭行渾忘風物逼清明數聲啼鳥銜春色一樹桃花隔世情烏石雲開山翠薄白田潮落海波清主人終歲斷碁跡借客登臨眺快晴

盧蔗香作無名樹說蓋以自況也爲題其後

社櫟大蔽牛匠石徒見夢磊砢多節目器乃勝梁棟插塗鉤曲株執斤趨者衆森森千丈柏材大難爲用香根屨蠹蟻枳棘棲

鸞鳳莫測造化心青黃任搏控一篇無名樹言下有餘恫此樹
勾萌初一旣誰抱甕不受雪霜厄合抱天所縱剪伐構凌雲密
石加磨礱致之良不易迴首萬牛重青葱玉樹姿曾向甘泉種
離離橘柚實猶充尙方貢矧此廊廟資詎等棄菲葑綢繆百年
計安敢忘撥壅三復角弓詩殷勤爲君誦

送林壽夫

彭年

秋部赴黔省其叔研樵

慶章

同年

假期欲訪竹林遊襍被歸來已過秋萬里遠尋金筑路全家都
上水蘭舟盤瓠板楫驚殊俗屹鳥蠻花動客愁聞道錦窠需妙
選五谿佳處莫淹留

春盡日作

誰惜流光唱渭城曉來啼殺後園鶯殘紅悄墮花留別衆綠齊
喧雨送行心字衙香遙夜夢鬢絲禪榻此時情樊川老去爭禁

得芳草天涯處處生

梅

古園荒盡賸江梅步屐幽探日幾回數點香先殘臘動半枯花
向一邊開却如和靖詩中見不是羅浮夢裏來清絕更誰相料
理夜寒有鶴守蒼苔

送戩宜兄赴粵

西風吹客上河梁夜雨聲中暫對牀首藉一官成瓠落苴麻萬
里走榕鄉袖間漫有禰衡刺囊裏曾無陸賈裘絕域弟兄垂老
別那能有淚不霑裳

曉入西園

曉行西園逕松陰覆高筇鳥語圓如丸拋落疑可拾百轉未肯
休不知定何急人生乘氣機貴賤各有執鼓盪劇萬端長日苦

不給及此夜氣存靜聽聊佇立

送姚石甫入都

罡風霄路偶逡迴十載閨臺惜吏才激浪初看過弱水掇雲重
喜上强臺

御屏循績丹豪注驛堠嚴程赤轂催南國棠陰猶蔽帟篠驂爭
挽鄧侯來

得戩宜兄粵東書却寄

別兄半載餘不寄一紙書聞粵二千里驛遽如比閭契濶費猜
度籌卜連晨晡檐牙噪乾誰尺素逢烹魚開械認題識次第三
函俱上言恥干謁不曳鄒陽裾胡爲走萬里棘藥事馳驅四喪
在淺土安能忍須臾幸非垂囊還聊復濟所需下言買三版指
日尋歸途出峽風浪險度嶺僕馬痛折梅倘相憶聞後定長吁

此塗我舊經歷想船車抽帆及到家夏淺春已逾緣知卸裝
日卽是負土初繭足荒山中食墨知何區不煩卜紅桑不用談
青鳥熒然一燈在千載滕公居恨我不臨穴吹簫和歌虞回首
胡埭阡拱木蔭四隅誓墓愧逸少買山漸幼與夢寐松楸間何
時賦歸與元宮儻相近同結瀧岡廬

蟬聲

蟬聲如磬復如絃已是涼風白露天聽到斜陽嘶更急鬢絲憔悴感流年

山鷓鴣詞

綵鳳不合從家雞山鷓鴣逐秋鴈飛南枝花開鴈北歸鷓鴣比
翼長參差沙塞迢迢霜霧霏水無菰米恆苦饑徒懷南翥伴侶
稀安能萬里不追隨天鷲野鷺羣相欺毛羽憔悴訴向誰慈鳥

念汝守舊樓天長地闊無見期夜深啞啞不住啼可憐鴈鴒畢
命無由知

海館

萬艘轉粟上青天封事盈廷議屢遷未遣黃河迴砥柱翻從碧
澗駕樓船塢流使者穿龍骨國計司農算馬鞭可惜燕齊千里
沃誰能畚鍤墾渠田

喜雨和侯蓮山

鐫韻

圭璧紛馳引咎深慰懷誰是邑中黔伐鼃有待停輪汎書蟻方
期洗沴禳珠玉頓低平日價籌車預愜望年心醉漚却想歸田
樂把耒偕賡擊壤吟

登闌中明遠樓

棘垣外嚴祕鎖闌中靜深撤幕修巷空耳目了無侵務閑誰晤

語獨處曠招尋重樓切霄漢攀梯散幽襟縱目浩無際萬象羅
蕭森地絡從北來寸碧遞遙岑蜿支滙海曲升雲結秋陰東偏
聳丹崖九仙跨鱣鯨西隅湛清沼歐冶鍛霜鐔旁薄互環拱韞
靈鍾國琛緬懷此邦彥發藻歐薛林隍引遡自昔唱于徵在今
竊恥湘靈瑟疎越清廟琴金奏識微旨柯亭逢賞心忝予襄茂
典翹接情欽欽奧區攬融結徵材貢璆琳

八月十七夜闌中翫月

西樓隱馳暉鎖院暖初夕衆星粲已繁待月軒猶闢金飈蕩游
氛嫺石湛凝碧飛轍上轉難坐俟纖阿策綺櫳乍窈窕落徑紛
狼藉周逵曠無陰連璐流皓白重闔藹沈沈文奏靜脈脈地肅
罷鳴琴照移仍改席仰視素質升益覺清影隻桂枝方吐華蘆
灰潛載魄示冲日就損用晦遷無跡前宵廣寒游回首成夙昔

欲詠霓裳篇問訊鴻都客

照齋座主有詩寄懷依韻寄答

靈雊朝來報好音
開緘維誦緬冲襟
蘇仙琢句聲鏘玉
島佛熏香願鑄金
千里幸叨蠅附尾
九臬情媿鶴鳴陰
鱣堂預想重尋日
叢桂香餘菊徑深

喜雨

翔陽沸海蒸毒淫
午歛鬱滯生層陰
蕉梧荷芋并繁響
金匏絲竹非清音
滋鹿預想禾乘長
清冷試汲瓜李沈
碧天入夜靜如洗
悄然新月流衣襟

泰雲堂詩集卷十三

金鎖 孫爾準 平叔

溇發洋集

赴臺灣巡閱營伍留別笛樓前輩芝庭將軍

乘槎有願溯瀛涯一洗平生芥蒂懷
摻袂最難知已別郵筒莫使好音乖
風搏九萬鯤鵬徙水擊三千組練排
歸日采風資獻納肯將志怪修齊諧

興化

山近全園郭橋平不起濤荔花香驛路茜
草秀江臯前輩科名盛當塗綽楔高無由尋
夾深驅馬媿塵勞

興化道中雜詠

山遠波平樹色參到來烟景似江南
此鄉風物尤殊絕一寸離

支五寸柑

女兒一色淡紅裳垂耳銀鐙寸許長唱徹樓東珠一斛至今衣飾學唐裝

綠綬谿流靜不湍波光猶爲斬蛟寒楓林祭賽聞銅鼓水利人傳雨長官

橘林深處鷓鴣啼一水縈迴路欲迷到此鄉心忍棖觸問名一樣是梁谿

蒲桃古鏡鍛龍精博物爭推夾漈名聞說草堂遺址在月明往聽讀書聲

最是楓林繫客思白花已見綴青枝邇來要試紅雲燕正及薰風買夏時

郵館

背村循僻逕郵館倚山躓石壞樹穿砌地陰峰瞰窓曙膚惟足
蛎傾耳不聞蓬夜半雨鳴瓦夢迴疑在艫

大盈

避敵郵舍暫停騶賸有斜陽屋角浮閒倚窓前看風竹晚涼消
受一襟秋

泉州

春風花發刺桐城小隊郊原按部行晉代清流餘古處陳家紫
荔舊知名十洲利擅魚鹽俗兩道雄屯驃騎營曾是當年爭戰
地萬安橋外海波平

洛陽橋

人言海水廣我謂海水窄一梁橫亘之三千六百尺其上容軒
車其下走估舶所流四十七潛螭臥深碧潮落試俛窺紺螭滿

碇碣濱海生計微籍拾恣狼藉天風失依傍伶俜颺行客若非
兩扶欄飄墮鮫人宅緬想締造初鳩庀費規畫飛符檄水府神
鬼輸工役諏日約期會谷王避潮汐忠惠儒者流詎肯矜誕僻
毋乃定民疑神道借巫覡虞初侈軼事流俗豔靈迹遂令忠信
志傳聞等戲劇要知保蟲長力可鞭很石龜鼈洵堪駕蛟龍不
能隔巍巍橋南祠雲題耀懷額我來肅瞻禮再拜奠束帛豐碑
立鳳蟲雄文重圭璧大書翥鸞鳳平原見風格偉烈誠不朽萬
古照渾磧繁誰好異聞琴乘志蔡錫

廈門

廈門本荒碕何年盛都會海壖繁要彈丸乃稱最自從鯨頭
人於此建大旆金門依輔車潯嶼互衿帶臺陽跨天險澎湖通
地肺倔強波濤間自覺夜郎大七星北妖讖兩豎效狼狽終自

尋戈予先後伏礎欽大帥設中權四鎮屯下瀨碧潯澄波瀾黃
圖大無外浮天走估舶隘地集市會南琛獻丹于上貨羅紫貝
權估設關梁譏苛竿舟軼姦富操奇贏末游藉沾丐邇來頗凋
劫徧陋等自鄧盛衰有倚伏物理戒其太龜毛詎成氈蟬腹將
欲蛻寄語桑大夫心計曷足賴廉如蕭廣州方物倍司會

自廈門渡海至澎湖

九州之外更九州愛聽海客談瀛洲茲來破浪試新險汗漫真
踢鼉鼉游大嶼門前始一縱如箭脫筈不可收鯨濤高噴日色
澹蜃氣上薄天容愁不知舟行自掀簸却怪島嶼頻沈浮初看
水色鴨頭綠紅黑忽度雙橫溝樓四望絕山影天水合作琉
璃毬我於其間渺一粟俯念身世真蜉蝣人言落溘此最險失
勢直達東琉球長年燒紙禱姥祖挾舷驚起長黃虬滿船動色

寂無語紅燈何處來珠旒

閩人謂天后為姦祖舟人言曾遇險禍於姦祖髻髻見空際有紅燈導從

冤旒而至者舟卒無恙

我聞徐福采仙藥三千童女隨行舟金房銀室住

蓬島左股夜失知誰偷不如張帆竟東下方壺員嶠或可求胡為齷齪住塵土并慕浪語真堪羞橫雲一抹忽當眼三十六島爭遮留

澎湖

澎湖雖曩空臺陽實門戶排衙卅六島環列燦可數地磽不宜禾石髡并無樹生計孽畜牧務耳記五殺自從開皇來略地屈其許元明暫羈縻格遠乏干舞遂為盜所箠弄兵聚樓櫓倭夷一鉞來屢挫水犀弩

國初道猶梗跳梁窟狂暨

詔書示寬大倔強不受撫妄竊聊自娛金厦築郡塢東渡此禍

師赤嵌啓版宇居然虎負嵎實乃魚遊釜

王師天上來當轍揚螳斧一麾顧榮扇反風隨白羽再拜耿恭

井甘泉涌斥鹵桓桓師武臣削平憑一鼓

靖海侯施琅征鄭克塽與偽鎮國公劉國

斬戰於姥官灣有風自西北來滄溟蓬勃逆我師三軍股栗環

徇師大呼須臾雷動轉南騰我師乘勝奮擊國斬從吼門逸去

我師入駐澎湖水苦鹹 籍戶入版圖聲教置官府涵濡逾百祀

琅嶠於神甘泉湧出 椎髻易綦組夏屋儼渠渠周原亦無隳上庠與髦士百貨走商

賈我來簡戎兵采風非耀武所惜言侏僑未盡通疾苦丁甯告

司牧蚩蚩安可侮淳悶天未滴擊壤追太古勿謂海濱陋漸風

卽鄒魯

海舟戲書

低昂隨浪簸掀餘萬斛舟如掣巨魚長吉心肝都嘔出賦成終

是遜元虛

舟夜聞笛

渡口人家寂掩扉誰吹霜竹韻依微
發音隣舍思何極奉使樓船客未歸
潮靜魚龍偃岸聽月明烏鵲遶枝飛
曲終漏轉星寥落海色蒼涼碧四圍

臺灣

飛帆破海色遙指大瀛東山立鼇身外
城開蜃氣中港因沙積險甕藉邊纓通
水寨屯形勝臨風鼓角雄地勢鯨身繞
潮聲鹿耳來

王師千舸入天險一時推運啓歸圖
版風清闌草萊至今嚴鎖鑰須仗勒銘才

昆舍識雞鳴倭夷屢戰爭春雷青關礮
夕照赤嵌城遂作萑村藪猶傳草竊名
妄思效張仲終竟媿田橫

世共夸金穴人猶習火耕俗奢希肯蓄土曠易兼并遊手逋逃
集無家去任輕移風方有待漫動樂郊情

見說山中社猶餘化外番土牛淆界址稅鹿困苛煩狼斃真堪

喻鯨吞太少恩屯田遺策在吾憶趙翁孫

時方澄
釐屯壤

聞道沙連島清谿勝壤東春風神藥綠曉日佛桑紅鄭谷逃名
客商山避世翁幽蹤何處覓目極白雲中

臺灣端陽

有生幾端陽海外今年獨疾風卷飛雨跳珠響竹屋圓陰漏午
晴嘉樹淨如沐吏散廣庭空無言對僮僕強持一尊酒泛此萸
蒲綠羈愁坐懷人潮聲殷坤軸

大雷雨

何因驚客七母乃鬪時門雷奮破山出龍騰挾海翻響鏗迷竹

樹室暗昧朝昏試檢五行志災祥未易論

晴

正厭檐聲急俄開夕景斜病蟬移別葉飢雀啄殘花薜石欹深窟萍池漲淺沙此時鳴得意惟有一羣黿

登澄臺望海

效眼澄臺上遙帆几席前潮迴吹地轉浪去匝天圓詩思滄洲濶歸心落日懸浮槎如可上何處問張騫

卧病

苧衫蕉簟繞迴廊睡起方知夏日長劇喜得閑緣卧病未因多冗減詩忙涼生窓竹微篩影風細池荷遠遞香漫道祖洲饒大藥龍宮何處檢遺方

大湖

竹烟羃空濛綠雨慘微綠時時筑籬中三兩見茆屋民靜喜風
淳禾蕃識田沃納秸勤輸將美哉此荒服

武洛社

迢迢山鴈少人家行趁谿流石逕斜夾路蒙茸濃綠裏時逢一
樹海紅花

鳳山築城詞

埤頭新城如卧瓜上直下檐西南斜自從埤水失防障夏秋散
漫來無涯十家九家苦痺濕重膈沈溺生咨嗟今年破篷上天
半蟪蛄生衣竈產黿城基蒸土築不得插脚下陷皆浮沙人言
築城舊城好左龜右蛇相對抱伐材近取打鼓巖地脈遠接崇
交島當年蟻賊裹瓊來正苦東南缺燧堡包山儻許築墉基負
固真堪等天造我聞太行左孟門右中流四顧奚足多金城之

嶮須人和斬華浚塹自表裏封豕獫狁將如何海賊來時山賊過新城亦殘舊城破君不見羅闔不設藩爲軍楚人寢謀晉人卧

調攝

調攝今知亦大難殊方氣候太無端斷霞鸞尾連晨晦積雨羊裘五月寒鬼箭風多宜晚起香茆瘴重慎加飧祇餘一事猶堪喜滿目春光夏未殘

夜起

倦暑睡復起卷簾納輕爽空堵露微下夜靜白蟲響處閑物態呈卽事寄幽賞暗竹時一明孤螢自來往

聽琴

流水挂空壁秋風生遠林煩君一揮手媿我非知音夢寐中原

隔波濤大海深金徽爾何物能會此時心

書事

三軍有司命登壇凜盟歆號令拱倚轅進退視揮箠何知寵臣
貴不畏功曹脅仆表示師期取笠明軍法詎同棘門戲竟等戍
遂狎猛異虎在山縱類兕出柙北面誑誓言南塘恣剽劫曾無
三令申頓噪一營甲卒勢突狼豕譁聲亂鵝鴨蒸節誰之司傾
岳失彈壓徒媿中權陳如臨大敵怯豈撰忍辱鎧甘戴無顏恰
飾怒髮爲指髭職眉遑摛御驛期利銜斬馬方在匣肆市獨柳
刑駢首大槩插要使成金湯敢自毀藩押衙軍橫致燿貉奴噤
還跣戮僕終服戎割髮乃開鄴罰明賞非濫威立恩始洽兵事
尙嚴終勅法昭韎韐

夏日卽事

蓮漏悄悄清晝長卷簾拋麈坐匡牀海霞向晚如含雨庭樹先
秋已送涼稱體暑衫宜苧布醉人風味賸柳漿暫來尤喜徵方
物盆盎都栽七里香

贈孔荃谿觀察

舊依香案侍

璇宮出領蓬萊

賜秩崇

臺澎道加按察使
銜兼管學政事

玉局文章傳海外金絲緒業本淹中

兩原盡格兜離俗多士初聞正始風直把東隅比西蜀共推雅
化起文翁

奉

旨募商由海道運米赴天津詩以送之

臺端新法問誰條積貯爭傳海國饒根本夙推三輔重雲帆初

轉二沽遙徑殊徐伯新渠水險越秦皇舊石橋送棹疆臣心共
遠相隨萬里趁風潮

木棚

朝辭綠珊城日出露已晞塗荒戎堠遠坐憫輿夫疲野水多縱
橫屢亂沙間谿郵亭得小憩聚氓看旌旗人煙助蒸鬱喧吹蕩
心脾驕陽卓火繖庭蔭久不移清風渺何處弱柳垂絲低踢冰
詎可致握炭良在茲茂林鳥戢翼密藻魚潛漪飭徒趣熱坂我
行安可遲持竿爾何人跂足河之湄何必北窗下已在羲皇時

新埤

是處人家刺竹籬郊原入望綠參差海霞曉蔚蛟龍氣石黛晴
含翡翠姿潏湧水精鹽勝雪碓舂玉粒米流脂輶車何事編叢
笑收拾風光入小詩

熟番

土番種類非一族獐者生番馴者熟生番嗜殺不擇人金飾頭
顱作簪卜熟番改土皆歸流籍名僉丁統以酋官來俯伏迎道
周手執竹枝弓背負雞羽鏃戈矛錯雜間旌旂媚家也夫在前臆
新婦番後都都圓作獻擎兩手建戈紋番名錦褰垂桶幫跣足如霜
花插首銀牌紅布官賞番侑以如渥百壺酒番丁何所能雞距
緣木如猱升卷銅作荷徹夜響麻達少年未娶之稱傳檄行奔騰番婦
何所作竹籠毆魚便耕鑿番丁苦閒婦苦忙番婦不若番丁樂
皇仁計口均受田不輸賦稅蠲租錢溪流一過沙滿壟維草其
宅青芊芊人言番丁今好訟傀儡牽機隨嗾弄膏腴一甲博一
筵番田多為漢人種伊唔口訴誰能膺通事傳譯愁難憑可憐
有隱不得達仁人見此當哀矜君不見竹王祠南廩君北獐苗

當日華胥國漢奸蠶食何能堪一夜糧鋤化矜棘莫言往事不足徵戡定頻煩

廟堂力

麻達

番中少年號麻達夜遞檄書響銅鉢驛騎流星追不及一步自矜三尺闊編藤束腰能疾馳勸爾及壯母後時不見病衰行不得羸軀昇作鳥鳶食

番俗老病者不待其死卽昇置山中聽鳥鳶食之

北港待渡觀日出

屯雲霾東峯初日隱未現西雲忽先知遙逗金一片須臾暈采昇濃淡隨所絢難急不受影流光滿波面似將百種色染此一定練清暉難強名擬議形已變雖渙詎足方堅坐目爲眩邂逅得奇觀蓄眼未曾見相呼上竹簾欲去情猶戀

埔裏社

卷十三

九

臺東山勢如連黿溟郭氣大噴雲濤包孕隱現不可測突兀時
露雕與尻長風一掃淨寥廓蒼峭百摺屏風高恍移廬阜墮蠻
嶽奇秀未可輕警警懸厓絕磴孰能傍生番趨捷追猿狖平時
殺戮代耕作強弓毒矢爭先操豈惟人跡不敢入赤豹駭遁元
熊嗥安知中央大如礪沃野萬頃開平壘天荒地老未開闢土
乳泣泣流春膏邇來漢奸頗深入爭營甌脫圍憊瘁南山雖錮
猶有鄭利在彼肯遺秋毫決渠荷鍤畫置井腰鎌種種芟蓬蒿
野犍千頭競跳擲馴伏漸可加籠絛人生有情物有性物猶就
擾人何逃胡爲巧誘復豪奪密籌畫夜長號咷況聞風俗亦不
惡嗜好服食同吾曹龍梭作鑄織錦罽鷺管書字傳紅毛留客
固居若圖畫待姑囑米成香醪鞦韆游戲樹陰底嘴琴鼻吹聲

噴嘈誰能撫摩適厥性淳質正可資薰陶屯田計口授之食角
材團練收其豪倚天爭奉祿布約詛酒共飲留犁撓力役羣趨
聽馨鼓積粟高廩堆連放卑枝鳥巢俯闕轂開戶犬足眠生鼃
武陵仙鄉在人世青谿夾岸栽紅桃花開洞口春水發相尋我
欲擊漁舸

明沈斯庵太僕墓

虛館饑無廩浮家老不歸隨身惟皂帽畢志竟黃衣滄海成高
蹈旄邱感式微一坏荒草合誰薦首山薇

臺陽雜詠

關門非鴈塞關渡門在淡水東沙磧似龍堆甲壤田疇闢鐵盤市舶來
雲容晴後滿山騰雨中開晴霽則諸山烟霧蒼茫若夢李茂
春園無尋處名園付劫灰

蚌木船列甲名曰蚌甲龍香劑割涎焚輪風有火沸井水無煙

洞戶徵蠓饌山居訟蠹田沿流頻喚渡九十九谿邊

風草欣無節風草春生無節霜筠怯走鞭竹皆叢生出玉香花

媚晚金綴菊迎年湖采螺紋石番通馬劍錢忽看方物集新返

荷蘭船

拱鼠曾名翹蹲鴟藉作糧潮魚驚海熟魚鹽潮大上火鹿憫番

荒散鹿為獵火驚機擣蓬萊醬機字始見於鄭樵通志俗名柳傾

沆瀣漿液可飲許名曰柳酒病來煩米卦俗向巫病輒延客

日米三保有遺薑相傳明三保太監至

佛髻波羅蜜仙膚優鉢曇花抽芳蕙苦蕉刺露芽甘南鳳三杯

粟三杯粟產鳳山縣西螺五寸柑西螺產柑絕佳問誰能徧識名狀漏粘含

方法唐僧授唐大歷中鄒和尚始製蔗糖凝冰滅蔗漿輸租連廊屋擅利走

帆檣味壓嶽山雪光欺朱井霜緣知零都縣何減木奴鄉

漸習殊方俗何辭過海行吉凶占雀語華雀番名發在每出更

鼓聽鳩鳴白鳩能知氣鐵樹珊瑚細金莖蛟捷輕鐵樹花如珊

名金絲蝴蝶二郵亭欣遠眺雲脚畫新晴雲脚如畫家繪水石

花番女多嚮之有脚可見必不雨

到來時令異何處問神功稻熟三春早蟬鳴二月中夏占帆盤

雨秋試紙薰風歎息吾行遠真看地軸窮

後壠望海

我過大甲谿日日濱海行海濱坡陀高復下起伏尙學波濤形

我登其高望海水長風掣興欲輕舉望中尙隔交眉山衣邊已

濕濤頭雨濤頭拍空吹浪花散落有似鳥與鷺隨波泛泛去何

極欲往從之無靈槎搖空濫濫含淡碧漸遠漸深色轉黑簸蕩

新集詩卷十三
二
日月光炯碎射露雲換辰色我欲拔劍屠長鯨坐令萬里滄
瀛清身騎白黿踢波渡手招謫仙朝玉京靈斐皎妾出歌舞指
點雲旗導前路題詩直上金銀臺乘醉敲折珊瑚樹安期羨門
不可尋鬢毛日夕秋霜侵鬣憤龍愁窈冥裏千載不死成連心

香山

我行香山麓去海尙幾里不知潮方生但惟濤頭徙白馬紛趁
人追韓未足擬與丁騁捷足已墮浪花裏風雷脚跟過直打蒼
崖趾幸免滅頂凶未遂出坎喜潮來已莫測潮退尤難揣深恐
歎欲問攝入龍宮底膠沙數漁艇蕩漾一時起上下如蜻蜓狎
浪隨所使徒懷羨魚情詎有屠龍技乃知習慣成未必中有恃
自媿忠信薄濟險亦偶爾

番茉莉

花大如菊

稱名一洒小南強略似茶蘼不似香可惜瘴風蠻霧底亂憑番
女插釵梁

仙種來從粵海舫芳苞香酷散幽廳若教南漢宮人見不向花
田種素馨

彭澤人來總不知團霜剪雪一枝枝却疑海外風光早未到重
陽菊滿籬

三貂嶺

峭壁青到天雲白翻在地行人衝絮過纖絲遠猶曳朝晴無漏
曦灌木翳深翠山深氣不泄寒暖惟一致雜花紅娟娟開謝亂
無次巨石塞路谿足踐動欲墜徒御相攀援車騎徒爲累但躡
猿猱蹤樵夫不曾至

洪荒閉叢莽前年始開闢豈徒斷人蹤并無獸蹄迹幽禽樂爲

家礪響鳴格磔初聞如蟬絃清越音歷歷旋復似鼉鼓應節紛
叩草仰視徒蒙茸何由睹毛翮愧非博物才無從問伯益正恐
山海經亦復漏詮釋足跡半九州此行真創獲

中峯矗孤筍磴道如螺旋一轉一境出萬轉躋其巔羣岡青玉
玦豁露西南偏巨澚若可掬波浪洶我前蒸蒸氣如釜照日生
孤烟乃如龍宮底信有陰火然長風忽鼓盪覆水低不驚規圓
大明鏡淬拭兜羅綿惜無竺朗公雲構長安禪從之借僧榻堅
坐了餘年

頂雙溪

我從臺買來千里皆平阡昨過三貂嶺陡起青鑱天茲山雖不
高亦足稱隨肩磴路窈而曲風物幽且妍清谿不一里東西屢
迴沿旣度奔星約復喚蜻蜓船有如誦佳句不厭相流連徑迴

見村落疊翠開梯田蔬畦槿編護瓜蔓笊籬牽吠人走黃頤伏
地閒烏犍涓涓細流出屋後渟深淵媿將黃塵面鑑此碧玉泉
徑思攜枕簟直就盤陀眠乃知裨瀛外何地非安便胡爲侈六
欲甘作十種仙低徊未能去騶御催鳴鞭

上行雜詠

叱馭休嗟行路難每從艱險得奇觀浮槎劈浪潮千尺跋馬穿
雲磴百盤陰火吹煙磧井毒晴曦射雪玉山寒峯巔俯瞰明霞
晚倒影迴風蕩紫瀾

前峯秀出聳單椒硤裏幽尋勝事饒鳥嶻圓吭九藥落蜺翻輕
翅碎紉飄紅鋪絕壁花成障綠浸橫谿樹作橋佳處何人營佛
刹坐聽鐘梵答歸潮

鳴瑪蘭北關

山頭亂石金華羊下飲大澗波茫茫蹴蹋洪濤濺飛沫紫瀾迅
激浮驚霜北關拔起通一線訇然石扇森開張天開地闢絕人
跡胡煩設險勞隄防我

皇德遠泉日出坐變斥鹵爲耕桑乃知天意早有在陽施陰設
成巖疆我來叱馭行過此戍卒環迥排纍槍關中沃野七千里
南東其畝桑鋪穰茹茨土舍雞犬靜疑從上古窺洪荒鳩舌侏
僑費重譯見人狂顧如驚獐地無可欲視聽寂安得習染生癡
狂無懷葛天在人世桃源之說非荒唐鯁壑東瞻塞礁石雞籠
西顧連崇岡瞿唐劍閣身未到邨阬視此誰低昂援毫思欲勒
銘去媿無筆力追孟陽

七夕有懷用臧姪

絕島俄驚綺節催明河有影鵲飛迴

無鵲

曝衣往事懷南阮杖

策孤行覲北臺分野星占牛女外重瀛秋斷鴈書來遙知瓜果
筵空設涼夜何人共與杯

觀海上暮雲作

暮雲嵯峨與山雜夕照迴光紫翠合一重一掩糾莫分雲忽出
山山出雲倒影浮光搖貝闕鼉踊龍騰爭出沒收芒斂彩須臾
間碧海泱泱浸圓月我時歌詠樓船樓坐惜奇景不可收欲呼
謫仙著宮錦載酒同作騎鯨遊

泊觀音山對月

四度蟾光滿孤槎客未還影懸滄海裏夢繞亂山間天地身如
寄風霜鬢已斑遙憐小兒女計日卜刀環

泰雲堂詩集卷十三